



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalias illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Bertholdus Canonicus Praemonstratensis Scheidae in Comitatu Marcano

urn:nbn:de:hbz:466:1-28481

Lippiensium Comitum sedes fuit, diversa dedicavit altaria, simulq; interfuit consecrationi Ecclesiæ Marienfeldensis anno 1222. Reliquum hujus Westphalicæ profectionis tempus exegit peragrando urbes & oppida, prædicando salutiferæ crucis signa gentilibus inferenda, promulgando Indulgentias Româ impetratas, excitando ad bella sacra nobiliû Westphalorum animos, tantumq; valuit oratio viri & sanctitate vitæ & generis claritudine inter suos spectatissimi, ut multa Germanum millia hortatu suo in societatem itineris & armorum traheret. Quantum exinde temporis post stabilitam his auxiliis Christi religionem in Livonia supervixerit, omnino incertum est. Mortem obiit annorum & meritorum plenus in arce suâ Lealensi, die, ad quem refert Menologium Cisterciense, 23. Januar. sepultusq; [m] Dunemundæ ubi primo Abbatem egerat.

[m] *Piderit. pag. 429.*

B. Bertholdus, Canonicus

Præmonstratensis Scheidæ in Marchia

Westphalica.

Refertur in actis SS. apud continuat. Bollandi

to. 4

to. 4. Iunii ad diem 20am illius mensis. Vita
desumpta est ex eodem.

MArchia Westphalica Bertholdum ge-
nuit non procul ab Ecclesia Scheidenſi
ad Ruram fluvium, ubi & ipſe poſtea inter
Canonicos Præmonſtratenſes vitam religio-
ſam complexus eſt. Sororem habuit Aſlenæ
(fortè [a] Ahlenæ) in aſceterio Virginum;
Fratrem verò Beatum Menricum Eccleſiæ
Lubecenſis Canonicum, à quo ea, quæ pro
Dei gloria Bertholdus cæpit, mirificè promo-
ta ſunt. Erattunc in eo [b] monte, ubi Colle-
gium Fründenbergenſe Virginum adhuc vi-
ſitur, immenſæ latitudinis tilia; cujus amœ-
nitate invitati accolæ frequentiffimis con-
greſſibus illuc confluebant, ut ſub ejus umbra
inter choreas & inhoneſta otia dies jucundos
agerent. Non ferebat hanc morum corrupte-
lam pius Bertholdi animus (nam à Scheida
non ampliùs magnæ horæ intervallo mons
iſte aberat) & quia ad ejuſmodi abusus corri-
gendos divino ſpiritu vehementer excitari ſe
perſenſerat, obtentâ à Prælato venia Aſlenam
(Ahlenam) proficiſcitur, imaginem Maria-
nam à religioſa ſorore petiturus, quam pius

C

utrius-

[a] Oppidum Diœceſis Monaſt. 3 circiter milliari-
bus Scheidâ diſtans. [b] Mons olim dictus Haſley.

utriusque genitor ab itinere in terram sanctam olim habito secum tulerat. Accedebat eadem nocte celebris apparitio Beatissimæ Virginis, quæ sorori secundum quietem visa eandem hortabatur, peritam ut imaginem Bertholdo traderet; fore, ut ejus beneficio peccatores plurimi ad frugem reverterentur præsertim si conspecturi essent miracula per eam divinitus perpetranda. Ad hunc modum postulati sui factus particeps, cum gaudio viam relegit, expositoque per pagos & oppida Mariæ Virginis simulacro subsidia corrogat pro sacello ad pedem prædicti montis erigendo. Ruram amnem cum transmitteret, imago hæc imprudenti è manibus lapsa præcipiti aquarum fluxu longius decurrebat. Consternatus hoc infortunio Bertholdus ponit humi genua, Deumque instantissimis precibus obtestabatur, eam ut sibi redderet, si quid illius beneficio ad suam gloriam effectum vellent. Peractâ oratione imago contra torrentem nixa adverso refluebat amne, seseque manibus viri sanctiprehendendam ultro offerebat. Tum ille tripudio plenus viam prosequi, & porro Mendenam tendere, oppidum vix horæ unius spatio trans Ruram situm. Ibi dum erecto iterum tentorio imaginem suam

col.

collocaret ad corrogandum, unus de Eccle-
siæ illius Provisoribus acerbis eum verbis in-
cessere, impostorem dicere, mensam cum si-
mulacro subvertere, pede in tentorium forti-
us impacto. Non tulit hoc facinus servo-
rum suorum tutor & adjutor Deus; quan-
quam Bertholdus, quâ erat demissione animi,
injuriam omnem nullo offensionis ostenso
indicio facile dissimularet. Mox enim are-
facto pede, quem temerarius homo in sub-
versionem tentorii malè extulerat, sensit,
quàm verum sit illud Poëtæ: *Discite justitiam
moniti, & non temnere Divos.* Sanitatem ta-
men recepit postliminio, ubi facti pœnitens
Bertholdi pro se preces obtinuisset, voto si-
mul edito, se ejus negotia pro viribus promo-
tutum esse. Inde ad sacelli ædificium se con-
vertit homo sanctus, exstructâq; in pede præ-
dicti montis sacrâ domunculâ, quod reliquû
vitæ erat, beatissimo fine ibidem clausit die
13tiâ Julii. Sepultus est Scheidæ in Collegio
Canonicorum sui Ordinis: Parthenonem
tamen, quem in eodem monte meditatus fue-
rat, perficiendum reliquit Beato Menrico
fratri suo, uti fusiùs dicitur infra
in ejus vitâ.

